



- ◆ Trabajo realizado por el equipo de la Biblioteca Digital de la Fundación Universitaria San Pablo-CEU

DECRETUM



Feria V. Die 24. Augusti 1690.

In Congregatione Generali Sanctæ Romanæ, & Universalis Inquisitionis habitâ in Palatio Apostolico Montis Quirinalis coram Sanctissimo D.N. ALEXANDRO Divinâ Providentiâ Papâ VIII. ac Eminentissimis, & Reverendissimis DD. S.R.E. Cardinalibus in tota Republicâ Christianâ adversùs Hæreticam pravitatem Generalibus Inquisitoribus à Sanctâ Sede Apostolicâ specialiter deputatis.



Anctissimus D.N. ALEXANDER Papa VIII. non sine magna animi sui moerore audivit duas Theses, seu Propositiones, unam denuò, & in majorem Fidelium permiciem suscitari, alteram de novo crumpere; Et cum sui Pastoralis Officii munus sit, Oves sibi creditas à noxiis pascuis averte-re, & ad salutaria semper dirigere, dictarum Thesum, sive Propositionum examen pluribus in Sacra Theologiâ Magistris, & deinde Eminentissimis, & Reverendissimis DD. Cardinalibus contra Hæreticam pravitatem Generalibus Inquisitoribus sedulò commisit, qui plures re ma-turè discussa infra scriptis Thesibus, seu Propositionibus supèr unaquaque ipsarum sua suffragia Sanctitati Suæ sigillatim exposuerunt.

I. Bonitas objectiva consistit in convenientiâ objecti cum naturâ rationali. Formalis verò in conformi-tate actûs cum regulâ morum. Ad hoc sufficit, ut actus moralis tendat in finem ultimum interpretativè. **HUNC HOMO NON TENETUR AMARE, NEQUE IN PRINCIPIO, NEQUE IN DECURSU VITÆ SUÆ MORALIS.**

II. Peccatum Philosophicum, seu Morale est actus humanus disconveniens naturæ rationali, & rectæ rationi. Theologicum verò, & mortale est transgressio libera Divinæ legis. Philosophicum quantumvis grave in illo, qui Deum, vel ignorat, vel de Deo actu non cogitat, est grave peccatum, sed non est offensa Dei, neque pec-catum mortale dissolvens amicitiam Dei, neque æternâ pœnâ dignum.

Quibus peractis, Sanctissimus omnibus plenè, & maturè consideratis, primam Thesem, seu Propositionem declaravit hæreticam, & uti talem damnandam, & prohibendam esse, sicuti damnat, & prohibet sub Censuris, & pœnis contra Hæreticos, & eorum fautores in Jure expressis; Secundam Thesem, seu Propositionem declaravit scandalosam, temerariam, piarum aurium offensivam, & erroneam, & uti talem damnandam, & prohibendam esse, sicuti damnat, & prohibet, ita ut quicumque illam docuerit, defenderit, ediderit, aut de cœ etiam disputaverit publi-cè, seu privatim tractaverit, nisi forsitan impugnando, ipso facto incidat in Excommunicationem, à quâ non possit (præterquam in articulo mortis) ab alio quacumque etiam dignitate fulgente, nisi à pro tempore existente Roma-no Pontifice absolvi. Insuper districte in virtute Sanctæ Obedientiæ, & sub interminatione Divini Judicii prohibit omnibus Christi fidelibus cujuscumque conditionis, dignitatis, ac statûs, etiam spcciali, & specialissimâ notâ dig-nis, nè prædictam Thesem, seu Propositionem ad praxim deducant.

Loco (‡) Sigilli.

Alexander Speronus S. Romanæ, & Universalis Inquisitionis Notarius.

Die 24. Augusti 1690. supradictum Decretum affixum, & publicatum fuit ad valvas Basilicae Principis Apostolorum, Palatii S. Officii, in acie Campi Flora, ac aliis locis solitis, & consuetis Urbis per me Franciscum Perinum SS. D. Nostræ Pape, & Sanctiss. Inquisitionis Cursum.

SUA CELSITUDO præcipit præfatum Decretum Sacrae Congregationis Eminentissimorum, ac Reverendissimorum DD. S.R.E. Cardinalium in totâ Republicâ Christianâ Generalium Inquisitorum ad subditorum suorum notitiam imprimi, publicari, & per Patriam ac Diœcesim suam Leodiensem distribui. Datum Leodii sub Signaturâ Vicarii sui in Spiritualibus Gene-ralis, & Sigillo suo consueto hâc vigesimâ-quintâ Januarii 1691.

CORNELIUS FAES, Vicarius Generalis Leod.

Locus (†) Sigilli.

HEN. MARTIN